

中國地方志集成

重慶府縣志輯 ③⑤

嘉慶梁山縣志（二）

光緒梁山縣志

巴蜀書社·鳳凰出版社·上海書店

第三十五册目錄

嘉慶梁山縣志（二）……………一

光緒梁山縣志……………一四七

嘉慶

梁山縣志

(二)

清·符永培 纂修

同治六年艾鉞增刻本 十八卷首一卷

梁山縣志卷之十二

加知州銜知梁山縣事符永培纂輯
如同知銜知梁山縣事戈斌增修

古蹟

訓方氏傳說往古周官特專其任而陸清獻曰邑有名勝可以登眺遊覽以云雅致韻事則得矣然往往有一耶一壑之奇一峰一石之美一亭一臺之異一水一碑之佳而賓客絡繹上司往來供億費繁故古蹟鮮少地方一幸此蓋為民生利病計洵君子之言乎但果係古蹟何忍聽其湮沒也山川景物藉人以重亦藉人以傳

梁山縣志

卷十二 古蹟

一

其間名賢之所興建達士之所登臨故老留跡軼見他說以至荒城廢圃斷碣殘碑其可委諸蔓艸荒烟耶披舊址于荆榛搜題名于苔蘚考蹟采聞有所依據亦學士信好之一助也

梁山故城

在縣西西魏置按寰宇記後周天和二年分魚泉置梁山縣因界內高梁山為名或曰縣

西有萬川城西魏平蜀嘗置萬川郡于此復徙南

浦按此恐誤也萬川今見萬縣

峽石市 縣東五十里其北有書院峽市因以名

峽石市 縣東五十里其北有書院峽市因以名

桂香樓 學署內明萬歷二年副使范璉行建署梁

山縣事推官董學孔重修樓廢基存

萬石樓 縣東北城外數十步出北禁門水繞山麓

西去從垂雲樓前惠濟橋下戍宮流去未知州李

中孚建為省耕處

國朝乾隆五十四年邑令程瑀重修

翔雲樓 縣東明統志云橫跨通衢四山環合頗得

其要按今已廢

醉佛樓 縣西在金城山上今廢

梁山縣志

卷十二 古蹟

二

綠陰軒 布政司分司內今廢

綠蔭池 舊學院署東北劉仕偉曰有亭榭曲檻清

幽雅趣不減蘭亭池水清漣碧荷亭亭池畔垂柳

稠密鶯織如梭真天漢景也今廢

目連池 縣西南五十里

月池 縣西十五里赤牛城下其間似月由小溪

而前石椿疊高五尺許低亦二三尺相傳居民

札寨時為疑兵計

垂雲樓 縣北一百四十步輿地紀勝云在子城之

北左瞰萬石右倚東山景物奇麗峽中未有乾隆
三十三年邑令徐鼎亨捐募重修絕頂懸四千八

百勛洪鐘樓北建報國寺鐵鑄大佛四座作鎮水

口劉仕偉曰樓懸四千八百勛洪鐘猶大壯之火
鐘避之林鐘坤之應鐘復之黃鐘日光在地中

空瀾正氣多聚以為聲大應遠鐵佛四尊中清淨

化身釋迦牟尼佛前西方接法身毘盧遮那佛左圓滿報身盧舍那佛右三類
引無量壽佛俱作鎮者也

歸安孫濟發登垂雲樓和張心柳明府韻詩吾聞

落星之樓高莫京飛甍上徹浮雲平高梁小邑鮮

奇勝胡然有樓垂雲名心柳主人好遊宴問樓近

梁山縣志

卷十二 古蹟

三

在當郊甸每想中天竄上層朶朶芙蓉開四面時

方火傘撐高雲繞郭紅蓮似錦雲有客快談香滿

水涼颺逗處淨蠶氛官齋長日心閒曠緬彼平疇

目無障安得特地雨生涼披襟爭看池水漲果然

雲外送雷聲同志歡呼客思清冰雪句能消溽暑

北風何必繪圖成出郊漸覺薰風暖扶杖誰云屐

商懶忽見西北有高樓樓近何曾雲隔斷相與直

上氣共豪禾苗千頃舍新膏冰桃雪藕聊驅暑好

事呼傾公瑾膠人生濟勝須有具惟有閒遊任舉

步無心攬勝勝更多琢句祇慙難刻露歸來為述
遊憩宜至人預訂指秋時滿輪規月杯浮綠甌管

還應再賦詩

孫秀詩我亦似浮雲聚散無定迹望雲空際垂卽

坐樓百尺縷縷結華檐層層護絳膽或封鴛鴦瓦

或凝翡翠簾捧日容遠眺蟠龍來相耀五色落眉

端氣氤還綠繞繞結構近通衢炫彩入高都河山無

遁影絕勝摩詰圖

葉繹唐詩高樓突兀與雲齊便有雲光近接楊輕

梁山縣志

卷十二 古蹟

四

繞朱欄青未了濃連畫棟翠將迷塵氛寧許遮紺

殿慧日常看透霽霏直似聳身凌碧落梵音斷續

出禪樓

張本敬詩登臨疑步廣寒柳烟樹蒼茫四望低遊

子欲囊雲幾翹老僧頻指閣東西牛窓遠岫長留

影千頃秋塵罷叱犁坐卧禪心隨處在清颺披拂

滌塵壁

張本謙垂雲樓賦以畫棟朝飛南浦雲為韻稽勝

槩于高梁湖危樓于南浦勢崖峒以峻嶒俯于門

而萬戶崇山峻嶺遶景物之餘妍繡柱雕梁識經
營之獨古頂起鳥外元氣時升基築城邊慶雲常
聚爾其結構彌工風光如畫星辰歷歷斜臨十二
欄杆鈴鐸層層裝就三千色界疑神龍之噓氣布
向長空訝鵬翼之冲霄飛來一派起成玉葉差同
豐市之高翔噴以祥光更擬陽臺之造掛于是登
茲百尺號以垂雲悠悠冉冉郁郁紛紛凌風颯颯
出岫氤氳耀朱華而煥彩漾碧落而攜文瑞靄攢
窓前傍東山兮帶雨清光敷檻外瞰萬石以迎暉

梁山縣志

卷十二 古蹟

五

如逢重九之晨競來遊乎騷客偷值立春之曉望
三素于元君因而高朋滿座勝友相招載聖賢之
酒俟烟霧之消俗慮皆捐儼丹梯之直上飛仙可
挾恍天路之高標出也無心起從膚寸動而不靜
徧以崇朝其始生也自上而下如匹練之挂蘭穹
其勃興也由遠暨近若千絲之繫桂棟風携袖裏
挹爽氣而神怡烟散襟前縱睛光而目送意或超
乎舒卷雅稱幽客之懷色每在于有無不乏章情
之夢若夫光分佛火色映溪潭日暖風和幾處朝

凝秀采山重水複無邊暮宿濃嵐漠漠漸連何阻
于高低深淺霏霏相觸無間于東北西南繪其容
而惟龍是從歸然樓迥記其用而興雨攸賴四面
雲含彼夫綠陰之軒縹緲白兔之亭崔巍洲號銅
魚瀾瀾浪駭峽名書院嫋嫋音微悉形勝之足紀
羌逸興之適飛孰若茲蒼宇涵虛布祥雲而燦煥
民物雍阜攬垂象于依稀也哉

瑞豐亭 縣東

宋陸游詩峽中地偏常苦貧政令愈簡民愈淳本

梁山縣志

卷十三 古蹟

六

來無事只畏擾擾者才吏非庸人都梁之人獨作
猶無苦須晴得晴雨得雨父老羅拜豐年賜縱產
芝房井上瑞

白兔亭 縣東蟠龍山飛雪亭左明嘉靖壬辰獲白

兔于此巡撫宋滄表進禮部尙書夏言請獻宮廟

作頌以進命建亭並勒石豎坊亭當孔道有詩碑

四 劉仕偉曰俗傳草昧時開此路無識徑者工役

見白兔追逐至此兔逸路成因而建亭按俗說
甚荒謬附載于此以祛羣惑

明徐映春詩亭外勞人去復回山如圖畫水如雷

龍蟠蚤採珠尤靜兔獻遙迎寶氣來傑閣坐餘邊
客轄老僧話舊進茶杯莫言作吏都成俗仙境分
明爲我開

吳用先授鉞西征過白兔亭觀瀑詩白兔何年去
不回玉龍晴吼似鳴雷雙飛靈鳳千尋舞倒瀉銀
河半壁來烟樹留人暫繫馬幽亭對酒且啣杯甘
霖灑去塵埃淨一洗千山瘴癘開

陳樸軒詩萬疊山懸一傳亭亭邊石峽湧泉聲峭
嶮路向空中插屹立峰從雲外形吹面柳風偏送

梁山縣志

卷十二 古蹟

七

煖沾衣杏雨頓消塵須臾願布隨車澤不負西郊
竹馬迎

宋承蔭詩有序余先大父大中丞宋諱滄堯有臺
東魯鉅野人以文武宏才忠孝大節受知世廟承
命撫蜀剿平真播制伏羌夷屢建大功未蒙卹典
君子寃焉獲白兔以獻後人作亭昭聖瑞也予謁
亭下見祖碑巋然獨存猶祖公之孤立無伴也因
爲詩勒石其傍如子孫之侍祖父之義云時萬歷
己未孟秋五日也皓魄藏形數暗催素娥推下碧

霄來蒼岷不許青雲合丹嶂惟看爽氣開羣玉山
頭冰作骨蟠龍嶺上雪爲胎輔臣精白呈佳瑞長
樂宮中獻壽杯

三韓徐原本詩飛泉直下碧雲端練影燈光次第
看百道怒濤穿石笋千尋雪浪過松蟠衝開辟荔
隨流亂掛出鮫綃帶月寒溪壑將來非久托倏歸
滄海作波瀾

釋海明詩磊落山川忽地平雲巢月窟兩關情于
中白兔今何在只有巖前瀑布聲

梁山縣志

卷十三 古蹟

八

釋通醉遊白兔亭觀瀑布詩劃斷蒼崖倒碧岑紛
紛珠玉對誰傾擬將鉢袋橫攔住只恐蟠龍丈雪
水

國朝邑人涂戴霍白兔亭晚坐詩同人秋日共追歡白
兔亭前放眼寬寬徑尋源驚倒屣探奇仰向急修
冠水流石壁連天震光射層巒帶月寒自想置身
嘗百尺羣峰斷續畫中看
南滙吳省欽詩君不見興王繼統拆滯寺大典明
倫矯羣議章聖劄行謁廟儀真人待闡朝元秘十

年端拱稱太平 懸壇如雲連玉清 鳳凰麒麟世安
在天佑一兔毛 鼎瑩野奠羅致外 臺獻瑞應分明
玉雞見長秋 娛飭事猶可告祖 告天太誣 調臨軒
却賀陽再三大 雞柄禮趨趨 趨還毫作頌 導浮汰
青詞宰相心 所甘是秋 彗星犯東井 當道狐狸跡
難屏 纍繫空成四 鐵名馮 干城 孰扞九邊 警幽風
亭柱沒秋烟 噴霧崖頭烏 闕懸勒石壯 土迥鞭杳
不比青藤表 易傳

張守愚再過白兔亭詩 去年我從南浦來 羣指白

梁山縣志

卷十二

九

兔插天漢今從蟠龍寶珠自嶺下方知白兔僅伏
山之半胡然處卑轉得名為有琳宮龍象在其畔
豐碑屹立太守筆寺號晴書悉可玩我欲椽筆煥
題門不使迷離撲朔妄擬稱名亂

朱壬詩 咄咄藐焉一明視守臣持以獻天子 天子
覽之為祥日 俞禮合隆 禮祀危亭 勅建白雲 睡噴
霧巖前列古碑有目且教觀瀑布不須流 斯到青

詞

邑合符 永培白兔亭觀瀑步古碑元韻詩 白兔亭

前霽色開 怡情噴霧共傾杯 是日史少尹洪清湧
岫連雲起 匹練騰空帶雪來 千尺懸崖千疊浪 一
波激石一聲雷 尋源直到蟠龍洞 是日又到 為愛
名山踏月回

教諭馬維穎和韻詩 白兔亭窻對瀑 閒憑窻看瀑
一擎杯 分明彩障煙波落 不道晴天風雨來 劍倚
碧空長劃壁 濤翻石罅欲奔雷 何當更對水輪賞
酌向魏仙首應回

張珩夏日遊白兔亭詩 白兔何年去 空餘白兔亭

梁山縣志

卷十二

古蹟

十

誌奇題峭壁 探古讀殘銘 瀑影凌空舞 嵐光入座
青仙鄉 堪寄足 自顧歎勞形

楊紹時詩 蜀道難難如登天 雄詞曾記李青蓮 巖
叢形勝信無邊 劍門巫峽勢蜿蜒 南浦特屬蜀東
偏東偏之東 倍巍然 高聳白兔拂雲煙 北控夔門
南戡嶺 中有古寺側飛泉 如棘如簾百丈懸 轟雷
噴霧雨涓涓 倒掛銀河下九天 盤曲一徑嶺雲穿
行人直上似飛仙 我來不與僧禿禪 要摘星辰捫
斗躔 眼看虬龍樹萬千 足登虎豹石拳拳 雖無自

也詩一篇揮毫把酒亦踟躕矯首如在霄漢前
羅全蜀入錦箋

〔曾邦彥詩〕名勝補山經長垂此地靈懸崖飛素練
絕頂聳危亭脈結迴環勢峰成拱衛形往來南浦

者誰不說藩屏

〔邵望白兔亭觀瀑集杜少陵詩〕落落歷清眺次空靈岸

雙崖洗更青獨坐孤亭凌噴薄巴西驛亭觀張積水注滄溟

本酬薛十二丈經齒冷于雪槐葉長驅甚建餽秦州見此

時瞻白兔八月十都五夜月都已遺沉冥軍中醉歌

梁山縣志 卷十二 古蹟 十一

〔姚椿白兔亭詩〕高山絕頂最上層白兔一亭守以

僧問何遺蹟此結構世廟秕政往莫懲初將議禮

籍眾口後用符瑞誇中興嗟哉此事古所斥黃龍

神爵寧足憑如何微物示天下一祝豈勝衆詛騰

桂谿附會亦奚益冤獄終坐邊臣曾四方水旱奏

李沆聖相言直朱絲繩乃知後窟不足恃青詞齋

黜徒粉增山陰徐渭特文士工擅表奏馳聲稱却

馬焚狐出寶鼎自古一德心相承史臣無識宋魏

志我言斗杓庶可徵

〔釋晏月白兔亭觀瀑詩〕虹飛峭壁吼雲端驚雷送

人注眼看亂放瓊姿均澤國高飄玉粒點晶盤怒

濤展練懸山曉沸水拋銀帶月寒覺地依稀天外

管籥紛雪雨觸狂瀾

〔明姚涑白兔賦〕赫皇明之昌歷啟聖人而馭宇紹

皇王之丕圖振陰陽之宏紀象三光以垂照順五

行以立軌熙鴻醇于昊軒匹休光于姚姒放勳襲

其欽明早麓宗其豈弟仁恩衍而橫流義聲馳而

遐靡煥采物以宏文遵彛常而崇禮洽元德于幽

梁山縣志 卷十二 古蹟 十二

明敷茂化于遠邇覽隆古以獨鶩揚徽烈以齊美

三靈協而胥慶百順秘而來禊或吐秘以表覘或

孕奇而薦祉紛嘉禎之雋集兆至和之所委邈西

蜀之上游蟠龍鬱而為岡育異兔以馴伏匪川澤

之能藏陋中山與東郭何凡品之足方羨冠倫之

仁獸傳郡國以騰章凝皓輝于西陸披素彩于少

商瞻蕊淵兮融魄威玉衡兮流光昭明跡兮廟祀

應單闕兮歲陽毒如絲兮皎皎辟若珠兮煌煌壁

月滿兮露清箕風入兮桂芳物與時兮競爽望帝

者兮開祥參元根以比壽飲元氣以爲漿耀珍珠
于王母配純雉于越裳躍昇平之華固儀清穆之
朝堂映翠華于上苑棲朱草于中唐嗟彼魏之爲
族亦旣繁而孔庶駭降質之特殊乃皇姿以托寓
驗以瑞應之圖稽以古今之注采之里俗之謠訊
之筮龜之喻往紀之所勘聞先朝之所未遇察金
柔之有徵章皇風之廣馭庶事叙而惟康高年逸
而有譽旣丕振乎文英復遠戢乎兵戍古以類而
相從嘉協氣之充裕臣工見而翔泳靈四域以同

梁山縣志

卷十二 古蹟

三

豫觀合肆而應符信龍德之當天恒遜美而弗居
厲皇情之乾乾存寅畏于索馭切兢惕于臨淵紛
華轍而不御嗜好至而莫遷道旣隆而愈奈精已
勵而尤堅辨敬怠于儒籍審勞逸于農阡敦德業
于久大混聲臭之幽玄游高明兮浩浩履中正兮
平平願升歌以頌禱從八風以相宜茂本支以百
世命孚景以萬年

夏言白兔頌嘉靖壬辰歲撫蜀憲臣宋滄獲白兔
一隻于蟠龍嶺是年十月遣使驅貢闕下辭曰臣

滄謹按蟠龍嶺者應時口恩加耆老則白兔見茲
實皇帝聖德所致遠方小臣無任欣喜敢不恭獻
以奉揚天子之休慶于時禮部尙書兼翰林學士
臣夏言稽首頓首上奏陛下丕膺聖圖欽若天道
祇在郊禋光陟祖配達孝成于尊親至誠澤于天
下寶賢重穀食艾右儒總秉權綱章明典憲萬方
寧謐四夷咸賓神功聖德美矣盛矣茂以加矣是
以太和薰蒸天乃降瑞協氣流暢地不愛寶嘉祥
奇瑞紛至沓來顧茲靈物尤爲聖瑞陛下宜開明

梁山縣志

卷十二 古蹟

四

堂御紫宸受羣臣百官賀皇帝曰吁咈哉其在
前代聖王暨我烈祖神宗則有由然予一人寡昧其
曷克與茲其擇日奠宗廟告于我祖考呈之兩宮
皇太后以昭世德以徵天休爾羣臣百官其勿賀
予臣言稽首頓首上奏曰陛下體道謙冲遜美弗
居舍宏光大此古聖帝明王所弗若也臣言職典
禮文粵稽前代帝王有盛德大業克致祥瑞其臣
莫不拜表稱賀退而作爲詩歌陛下功德赫奕燁
燁昭炳千古乃慶禮弗稱頌聲弗作後千萬世將

何觀焉予不敢愛死敢請皇帝曰俞爾臣職則然
予重違爾其可哉乃十一月丙辰以兔獻于太廟
世廟徐呈兩宮越九日乙丑乃文武百官上表稱
賀禮成臣言無任歡蹈謹再拜稽首頓首敬獻頌
焉頌曰皎皎白兔質馴良兮色奪縞練毳凝霜兮
玉趾撲遶朱日揚兮孕靈萃和產金方兮穴于蟠
龍稟正陽兮德茂則見瑞聖王兮我皇受命開明
堂兮建其有極廓乾綱兮嚴恭禋祀升馨香兮禮
修樂和百度張兮朝兢夕惕日靡遑兮羣工承式

梁山縣志

卷三

古蹟

五

罔忘荒兮萬宇寧謐戈鋌藏兮四夷來賓百獸踰
兮窮簷安堵時雨賜兮上帝鑒之錫嘉祥兮南瞻
純德寶露灑兮嵩嶽之陽皓鵲翔兮俾彼大田歲
則穰兮連穎五岐盈倉箱兮微體紀瑞頌聲揚兮
睨之靈兔兆殊常兮玉衡降精孕瑤光兮星輝虹
耀帝嗣昌兮寶歷綿綿越周商兮天子萬壽弗祿
長兮小臣作頌告無疆兮

飛練亭

縣東三十里蟠龍山瀑布之側明統志云

在蟠龍山水自洞中流注崖下高可二百餘丈亭

在山牛因各勝覽云舊取徐凝詩句東坡以爲惡
乃易名飛雪亭取歐陽公所稱六月飛雪灑石在
也多唐人碑記

宋魏了翁詩自荆入蜀路險絕黑猿聲中膽欲折
萬州江頭舍舟楫又趣擔簦窮岷峩危磴連雲如
積鐵亂石礙足十九跌僕夫流汗馬止舌道望蟠
龍掛天脇懸瀑落巖噴霏屑中間有亭曰飛雪十
里陰風寒入髮人言此地無六月呼取大斗酌甘
潔一飲令君消內熱

梁山縣志

卷三

古蹟

六

明張寧登飛練亭觀瀑詩蒼崖開處吼風雲一瀉
銀河倒碧岑噴浪突驚金鳳舞轟雷時訝玉龍吟
千尋素練平空落萬斛明珠天際沉晴雨一簾開
萬頃東南應識飽甘霖

張佳印詩初疑銀漢墮烟空坐久仍驚吐白虹神
漢千秋吹素壁天紳百丈挂長風便歸滄海源難
辨別去青冥路不窮掬得一杯吾對汝出山今日
味相同

楊文林詩危峰孤秀接天長一徑縈迴樹色蒼素

練懸崖林靄薄老龍歸洞水雲涼霜晴紅葉藏山
店雨過青蒲滿石塘更喜織塵飛不到此身何異
在仙鄉

蕭彥杜詩梯雲石磴倚天長夾道藤蘿過雨蒼花
霧四時饒午暝松濤六月漲秋涼斷崖架木通幽
徑深洞分泉出小塘靈物久蟠何日起不堪斛水
是他鄉

陳文燭詩山外龍蟠下急湍泉聲吹徹到闌干玉
龍正共長天色銀漢遙從不夜看雨氣冥濛千澗

梁山縣志

卷十二 古蹟

七

落浪花飛動萬峰寒臨流欲濯緇塵去愁見斜陽
馬首殘

劉侃詩一派飛流萬仞寒長風吹酒下雲端尋源
欲到龍蟠處拂石驚從鳥道看天爲蒼生垂雨露
地因白兔吐波澗年來不獨文園渴乞與潺湲向

錦官

曹學佺王子歲再過此作春水三年別寒聲十里
聞鶯花流出洞樹石掛成文有意同高潔無心作
使君前車行度險予且坐

國朝吳省欽蟠龍山飛雪寺西閣觀瀑詩曉度分水嶺

書過銀河橋風聲班馬聲夾磴鳴蕭蕭河無支流
水無脈點黛蓼鬚媚行客中田細簇糊獮梯冷壁
斜嵌蕊蕩宅屐痕上齧八千丈練影分垂六七匹
天孫織素懸星潢二十八潭翻帝漿玉龍九子開
道路鱗甲各各披光芒三岐五劇滙雙股白日青
天打雷鼓溪靈塞耳寐無覺歷落山農對簾雨我
却怪謫仙人石梁三疊鄰匡君夜郎放浪足跡隘
江風海月空傳聞我又笑桑苧氏中冷一勺表揚

梁山縣志

卷十二 古蹟

六

子甘腴至味茲品茶晚遇商英一知己搯漾長生
官驛寒昭蘇更潤郁疇疇美嗚呼山頭瀑布如此無
石湖推讚詞非諛下樓我欲探龍洞如席雪花攪
清夢

王站柱飛練亭詩蒼龍僵立不知年素練橫空百
丈懸我是江南老桑苧待占魚鱗試新泉

邵壑詩我聞城東一山拔地起高峙秀傑白雲裏
下有古洞二石宛如龍首尾相蟠狀奇詭就中泉
直注陰崖二百餘丈瀉石髓石不受水如霧噴飛

雪名亭坡老始乃知天地靈異莫能窮生平遊覽
勝槩無如此屐向層巖躡人尋傑閣來一顧一驚
詫一步一徘徊虹光倒挂練影紆迴霜液下與蛟
龍戰明珠濺跳石罅開林外有風長作雨窻前無
日不聞雷吁嗟乎衆妙斂藏飛鳥還寒厓只讓水
湍浚天下瀑布推第一石湖評讚未可刪呼童掃
葉烹茲甘腴味要使風生兩腋骨珊珊

姚椿瀑布歌銀蚪萬道舞潛壑千仞懸冰滑稜削
皚皚太古雪不消浩浩中天月同落奔騰但恐地

梁山縣志

卷十二 古蹟

九

脈盡渾沌不慮元氣弱夢成吳越名山游台蕩天
都及廬霍 又觀瀑憶宋若香助教黃山舊詩聞
其集中不載故欲存之二潭一明月九疊九飛龍
高詠仙人句常懷碧玉峯聲能驅巨石勢欲走喬
松若問悲秋客奔湍歎絕縱

朱衣閣 縣西城外

温于濬記畧城西關外不數武三官殿之後有小
山屹立前任程邑侯善堪輿術謂此山乃縣署之
貪狼星也建造樓閣主貴顯驗其山亦似有故址

焉邑人欣然募修未果因科名未盛乃卜吉于嘉
慶三年五月中旬鳩工庀材建閣三層於此山之
上遠望有上出重霄之勢顏其額曰朱衣閣蓋取
朱衣暗黥之意也閣之西則與福利鍾文遙相對
待閣之南則與石馬飛雲近相掩映其東則城垣
鞏固烟火萬家其北則田肥美民殷富雖蜀之西
壩不是過也登斯閣者四顧俱有可觀遊人雜沓
其間稱勝境焉然以培風水非以壯遊觀也而庚
申 恩科中式者二莫不歸美於斯閣由此文風

梁山縣志

卷十二 古蹟

三

日上人才蔚起科甲綿綿則斯閣之爲功于邑者
非淺鮮也不可以不記

邵整失衣閣賦地之靈兮鍾人傑民與能也先神
謀蓋風土規文明之聚斯棟宇惟爽塏之籌築歌
輦鳥光燭斗牛肇錫嘉名侯鯖著錄朱衣神事宏見侯鯖錄

開俊閣懸象闡幽遐溯歐陽嘗知貢舉旁若有人
默而無語情之移非真目之迷頭之黥不禁心之
許行行錦繡八穀何疑字字珠璣選青莫阻未爲
紅勒帛之所加悉是朱衣神之所與神道設教衆

謀僉同奕奕梁山自西郊其未遠昉原隰升大
阜以相通星或驗夫貪狼天文煥采才競誇乎繡
虎地脉稱雄其酉有福利鍾文之突兀其南有飛
雲石馬之崇隆繡壤環于其北雉堞聳乎其東洵
可備四時于宇下真宜收百里于窓中于焉南向
背以經營相陰陽以位置羌十笏之有加卓三層
而標異雕栱風迴繡楣烟翠砌集雲根之石爽氣
朝飛簾垂露滴之珠清光夜媚境超閬闔四百里
奇神所憑依萬家受賜念紅紗之單昔豈虛談經

梁山縣志

卷十二

古蹟

三

朱紱之來今應表瑞諸君子庀材鳩匠都人士振
采蜚聲惟天上全憑陰陽而

聖朝特重科名神之格思虬駕螭驂之精氣我之懷矣
龍頭驥尾之羣英則欲邀暗點文場當寓意于青

燈黃卷諒不至式憑瓊閣徒怡情于碧欄丹楹

涼山呂保藏漢冢

四川通志作涼山呂保藏冢今據王象之輿地紀勝改正

舊

志源山保有呂保藏在絕崖半腹有一穴人跡所

不到漢末赤眉之亂呂保藏家資巨萬齋金寶錄

木而上鑿崖以居盡伐崖下木冠不能近後舉家

終焉宋紹熙中有樵夫得一券于崖側非銅非鐵
其聲鏗然上有古篆云西漢之末赤眉邂逅黃金
千兩坑埋而走羔豚十祭其財自阜今藏所猶存
通志云細繹涼字係梁字之訛源字又涼字之訛
耳源山保之保當從堡或係行文或呂係姓係
名藏則藏金于穴也下接家資巨萬則家字義連
下特云梁山之堡高崖有穴呂姓于堡穴藏金耳
故下云藏所猶存今書呂保藏家則呂保藏竟是
姓名連家字作一句下資巨萬作句可發一笑然

梁山縣志

卷十二

古蹟

三

義亦通俟博覽者考定

貓兒石

縣西三十里三石橫峙中一石四方如倉

前後兩石一蹲一伏如貓捕鼠形狀宛然爲邑風

水所關

浮蘭碑 通川志記梁山軍忠州兩界舊有漢刻石

署白虎夷王姓名今其土刻漢時官屬及白虎夷

王夷民等姓名尙有可考 綿州李雨村云浮蘭

碑卽繁長張禪等題名輿地碑目云在梁山軍隸

續云一石三橫首行云長蜀郡繁張君諱禪字仲

聞其次題掾曹十人及三民姓名次橫之首行云
夷淺口例掾趙陵字進德次夷侯九人邑長三人
第三橫邑君三人夷民六人後云凡世八戶造未
有四行高出兩字題白虎二夷王及丞尉名字最
後兩行及其下一橫字畫差小似是紀事之辭惟
夷王謝資數字分明餘皆不可讀東都益部郡縣
夷漢錯居此必蜀郡太守有德政繁縣夷人共立
此碑尊其官吏故書之前列輿地碑目作浮蘭碑
云是漢刻未知何據

梁山縣志

卷十二

古蹟

三

梁山驛唐碑 題云令長新誠之記乃明皇御製梁
山令尹茂元得此誠于萬州守河東裴公而刻之
蓋大中十年也嘉定丁卯郡守李錫移其碑于軍
治其詞云我求令長保父下民民之不安必有所
因侵漁浸廣賦役不均使夫離散莫保其身徵諸
善理寄爾良臣與之革故政在維新調風變俗背
偽歸真教化爲先惠郵于貧無小無大必躬必親
青旌勸農孰不攸遵曷云被之我澤如春
舊梁山驛碑 舊志軍之東四十里耆舊相傳李唐

時有白虎蛟龍爲民害民遷居以避韓昌黎嘗按
部經行二害乃去作碑識之今名其地爲碑扞碑
猶存溪側字多漫滅不可識

嚴舉碑 延熹七年字原云在梁山軍無額碑首首
行云都鄉都里孝子嚴君隸續云碑崇七尺其二
分之下橫有裂文近歲出梁山軍所傳者皆至裂
文止石理皴剥文意間斷予再得之始是全碑嚴
舉姓名甚分明其碑有文有頌又有亂日十六句
五大夫碑 王象之輿地紀勝云在梁山軍界上字

梁山縣志

卷十二

古蹟

三

雖漫滅然乃漢隸也

蟠龍洞古碑云張卞爲蜀將先王攻固陵諫不聽乃

入山修真遇樵叟自稱鳴夷人授之丹訣得道矣

蜀中名勝記

劉亮工神道碑 縣西兩漚灘上

仁賢鄉碑 縣西三十里萬歷時邑令趙世顯爲來

知德立 癸巳仲冬

圖經 教授黃震仲撰

志中列景相沿已久有其舉之不廢可也梁邑八景